



Rabu, 04 Januari 2023
Ogen: Kejadin 1:14-15



Tanda-Tanda Permulaan Wari



Fergantian musim; tahun datang dan pergi tapi keluarga kami tumbuh lebih kuat. Enda sada kata bijak ras motivasi kerna perdalanen kegeluhen i doni enda. Wari, minggu, bulan ras tahun jadi paksa-paksa si lit i doni enda. Kerina e ijadiken Dibata tangtangna IA njadiken doni ras isiina, ertina enggo kin bage mula jadi doni enda. Sada paket ras paksa-paksa siaturken Dibata si jadi tanda paksa-paksa si lit i doni enda. Kerina tanda e ringan i langit, si gunana nirangken suari ras berngi. La e saja tapi pe guna nerangi doni enda. Paksa-paksa si iaturken matawari, bulan ras bintang rikut perputarena i bas waktu. Waktu enda sada dampar igelari *kronos*, rikurken kejadiin kejadiin si lit tapi i bas dampar sideban ia igelari kairas, amin berputar rikutken jam, 24 jam sada wari, 7 wari sada minggu, 12 bulan sada tahun. Tapi waktu e labo pernah mulihken, terus erdalan. E maka lit singatakenca maka waktu e labo banci si tabung, i bas paksa si reh banci sitarik. Lang! Si la beluh makenca alu mehuli, bene me kesempatana.

I jenda me kita ibabai, selaku Moria, kuga kita mentasi paksa-paksa si enggo lepas, pengalamen-pengalamen kegeluhen seh maka jadi pengalamen kinitekenta. Reh paguhna nge isi jabuta? Kuga ka kita ndalani paksa si la nga reh? Si la si eteh kai si jadi? Tentuna, perlu kal kita tole mpegegehi isi jabuta, banci saja resesi, krisis ntah kai pe istilahna si jadi, megegeh kita subuk secara ekonomi, perukuren alu semangat si enggo sialoken i bas Dibata nari. E maka, amin wari, bulan ras tahunna salih tapi kinitekenta la mobah. Tetap semangat kita ndalani kegeluhen ras kesempatan siibereken Dibata man banta.

☞ *Tuhan Jesus labo mobah amin wari ras tahun salih*